

nach der Geburt halten sollen. 20

bes Creuzes/ ja alles vnfalls/ so dem men
schen an Leib vnnnd Seel begegnen kan/
Weil nun der wegen vmb der Sünde
willen solches hartes vñ schweres Creutz
der Kinder geburt auff die Weiber kom
men / sol ein Weib/ wenn sie schwanger
gehet/ vnd allerley wehe an irem Leib bes
findet/ oder inn Kindes nöten liget / sich
deß erinnern / woher ihnen solch Creutz
vnd harte vnd schwere bürde komme/ als
von der Sünde / daß sie derhalben der
Sünden lehrnen feind werden/ sich dars
für hüten/ sintemal wir mit vnsern sün
den nichts anderß außrichten / denn das
wir Gott im Himmel je mehr vnd mehr
erzürnen/ vnd ime zu allerley straffe wis
der vns ursache geben.

Auch sollen die Männer inen das lass
sen gesagt seyn/ daß sie den Weibern sol
chen iren fall vnnnd jr Creutz nicht sollen
fürwerffen vnnnd auffrucken / als das sie
sagen wolten / warumb die Weiber so

E iiii gneschig